

摘藻堂四庫全書薈要

集部

欽定四庫全書薈要

集部

宋詩鈔卷五十九

七至九

詳校官候選知縣臣吳向華



欽定四庫全書舊要卷二萬三百十

集部

宋詩鈔卷五十七

內閣中書舍人吳之振編

吳做竹洲詩鈔

做字益恭初名偁避秀園諱改名登紹興二十七年

進士調明州鄞縣尉歷官至朝散郎知邕州軍州轉

泰州乞祠主管台州崇道觀卒于淳熙十年謚文肅

當時朱子及張南軒呂東萊陳龍川范石湖葉水心

陳止齋諸公咸與友善其自邕而入對也南軒書孔子之剛曾子之勇南方之強三章以誌別嘗作尊己堂記朱子見之喜曰往者張荊州呂著作皆稱吳邕州之才今讀其文又見其所存其為聖賢所許如此四方從學者尊為竹洲先生

吳子既結茆竹洲以娛親復於居之前沼為亭以朝爽名之蓋亭西面於晨興看山為宜

抱甕自灌園勝游貴人門有口自酌酒勝與俗人言園

中多蔓草晨夕費鋤芟遇夜或風雨安得久盤旋村酒
不常有有亦多苦酸而况醉中語繆誤人所嫌不如飽
喫飯清風北窗眠眠多則無覺夢境仍多端惟有古斷
簡言行皆聖賢讀之未竟篇眇昏如夢間讀竟亦何為
聚訟徒喧煩厭煩以靜勝又類枯木禪握苗不耘苗亡
羊兩茫然何如池上亭虛曠可看山山色日夕佳晨興
夜氣還宴坐日過午清陰猶未遷西山倦拄頰南山興
悠然晚山雖好不遮日誰能觸熱望長安

和孫先生彥及棣華堂詩韻 并序

伏蒙頒示棣華堂詩引援古今發明大義使學者知
不徒事汗墨而已讀之凜然增手足之愛佩仰厚賜
亡以為喻輒依元韻亂道拜呈

大雅久不作聲色淫鄭紫古來非一秦焚厄故如此西
都盛經學聚訟自茲始建安委道真典午事玄理錦縠
蔚雲霧組紉亦信美後生不著眼千古空信耳誦習號
純儒曠達稱高士有如富贖賈多藏不能使又如病酒

狂沈酣糟粕旨源流日以遠循襲不為恥先生秉大雅

江東今夫子持身不夷惠漫仕無愠喜學術心自得筌

蹄視經史蘭舟翼桂楫巨川端可溪我家世從公公欲

出泥滓愚不堪世用非人不我以破屋蔭蓬根春薺老

牆址寂寞誰肯顧公獨不我鄙遺之珠玉篇諄諄說友

弟直欲障頽波肯與為茅靡觀公用意處可與召穆比

弟兄吾手足父母吾怙恃盡此菽水歡還勝有酒醕古

來願為兄日月不可弭聖賢師百世河海濶千里公如

大醫王一世膏肓起

寄題鄭集之醉夢齋

利欲醺人心濃如飲醇耐沈湎死不休寧論千日久豈
知糟丘中醒狂亦時有天地育萬彙亦各賦匹偶人情
豈相遠好惡隨妍醜集之年方壯濯濯春月柳性獨與
人殊無婦奉箕帚文室誇醉夢作詩詔朋友古來醉夢
人亡羊孰先後寒儒醉糟粕酸澁寧可口莊生夢蝴蝶
幻境徒紛糾富貴得志士列屋羅螭首象牀祭錦幄疎

綺深朱牖酣寢喚不醒鼻息春雷吼梅花霜雪姿紙帳
疏筍臭問君有何好甘作老鰥叟窮狀徒纍纍鴛鴦債長
負負猶如荷旃人難論純綿厚但問雪煎茶何如羊羔
酒

汪叔耕見訪不數日別去賦此為贈兼簡子用子
美二友

負囊得老窮掃軌事幽屏跂然羅雀門有客頎而整悲
歡十年別樽酒清夜永妙句時驚人盈軸肯傾廩三日

語未休霜寒夢歸省臨流分別袂波光照孤影重念吾
故人雪屋清燈冷劉子抱遺經深井汲脩綆曹子中庸
學天理窮性命老驥鼓不作褰旗望公等天晴風日佳
何時過魁徑石鼎然豆其冰俎煮湯餅

題陳仲禮四知軒且當折柳之意

陳侯一世豪筆力萬人敵卧之百尺樓平眎劉玄德收
斂湖海氣一室僅容膝平生不欺心自護如拱壁客來
問字細論文旋糶官梁買酒樽夜深四壁冷徹骨酒酣

一笑溫如春三年官滿何所蓄滿船稚乳書幾束長安
侯門高於天束薪炊米桂炊玉問君持此將安歸君言
歲收可百斛吾儕本無膏粱念况今老矣其何欲宰相
時來則為之切莫倒行誇食肉

寄題淳安陳令君讀書林

能吏事深刻商利謹毫釐俗吏趨期會簿書自羈縻寥
寥絃歌聲千古空餘思還淳山水邑今君丘壑姿邑民
本無事君亦何所為治已物自治化行風漸移君復何

所欲讀書常不足拄腹五千卷
挿架三萬軸曾未出毫芒
萬室已蒙福堂東松竹林
昔時悶荒榛堂中燈燭光
昔時照紅裙今何聲吾伊
蕭蕭風雨晨問君有社稷
亦復有人民奈何獨自苦
學道則愛人

陽村道中邂逅趙仁甫

脩途轉清溪孤村帶寒月
瀟灑竹間亭意行成小立
賓主莫誰何悠然良自適
俄有貴公子胡驄搖寶勒
下馬相勞苦呼酒道疇昔
遂今麋鹿姿頗為人物色
佳實進

霜堅異釀引寒碧興盡還獨歸沙頭寒月白

題祝聖寺浮梁道中

金碧照征涂松竹開幽徑山僧壽八十腴貌偉視聽囊
鉢罄錙銖棟宇視巖整如公方外人眎世一泡影辛勤
畢此生更欲傳不泯當家第父蓄居位蠹國政眎公豈
容誅三歎發溪省

題古巖舊嘗侍孫先生題名巖中二首

白日蕭蕭松徑靜紅渠冉冉洞門深風涵廣宇生虛籟

夢破西窗上夕陰景物眼前渾似舊塵埃題處忍重尋
羸驂落日孤村路塵土依然滿病襟

覆簣一拳進嵌空百肘寬僧房因石室蟻穴夢槐安塵
路十年別松風六月寒淒涼舊題處不忍更重看

過叢桂堂故叔祖教授讀書之所

古瓦頽垣迹已陳孤猿別鶴自哀吟可憐叢桂烟蕪沒
惟有一池春水淡秀木千章新過雨寒山一帶暮傷心
清風明月時來此夢斷雲飛何處尋

送洪史君赴闕移節會府

史君文彩漢相如暫向明時縮左符為郡似家身似客
視民如子吏如奴魯公金石光千古吏部文章妙兩都
戴白垂髻相與語如公治行向來無

拾梧子

雞犬三家市蓬蒿一畝宮春盤厭笋蕨秋子積梧桐客
夢五年過文盟千里同時清臺省貴袞袞者諸公

送錢虞仲兄弟

燈火相從總角初，只今已是十年餘。
窮愁懶慢吾猶故，文采雍容子甚都。
用借連璧肯來同寂寞，歸鞍寧不少躊躇。
風流一別應如雨，儻有來鴻細作書。

和呂守環秀堂三首

久合鳴珂上九門，一麾猶許飽看山。
豐年諸縣公事少，燕寢清香兵衛閒。
烏度屏風明水鏡，雲生畫棟擁螺鬟。
向來蛛網蝸涎污，勝處豈非天地慳。

一州如斗帶溪山，空翠家家遶畫欄。
丘壑自非胷次有，

雲煙誰暇靜中看衣冠共識家風在閭里方知漢法寬
戴白垂髻相與語今年有飯飽加餐

田家但識豐年樂見說花城日更長如獲從公時拄笏
尚能援筆侑飛觴雞豚社甕年年酒柿栗園林樹樹霜
更倩漁郎問樵徑溪山溪處是吾鄉

休日飲直之運屬家

天與吾人臭味同一官落魄郡城東偶逢休暇追鳧鷖
閒拂塵埃勘鼎鐘適意不知華袞貴醉餘聊看舞裙紅

只愁寒漏催羣動又踏朝靴逐曉風

次徐令韻

少日曾披九虎關誰憐投老却乘邊貳車謾說半刺史
多稼惟欣大有年榆柳關河無犬吠牛羊阡陌斷烽煙
玉關人老知無用廟算如今出萬全

清明陰雨呈同舍

薄薄輕寒作許陰村村花柳為誰新良辰欣見百五日
冠者仍餘五六人冷雨淒風連午夜飛花流水一年春

窺園未阻江東興陌上應多翠黛顰

弋陽道中

積雨今朝霽東皋晚日紅人家深蔽樹野水濶浮空久
客仍行役青春已過中嶺頭人望處腸斷白雲東

偶成

晚來一雨破炎蒸蕉葉葵花照眼明稍與燈花尋舊約
却嫌庭樹作秋聲

寓壺源僧舍三絕

風簷浙浙褪新青
書展殘燈翳復明
讀罷離騷還獨坐
此時此夜若為情

悶來掩卷已三更
風露涓涓月滿庭
間撲流螢衝暗樹
危梢點點墮寒星

歸來閉戶還高枕
牕隙微通月影斜
風急忽驚烏鵲起
空堦蔌蔌墮松花

宋詩鈔卷五十七

欽定四庫全書薈要卷二萬三百十一

集部

宋詩鈔卷五十八

內閣中書舍人吳之振編

周必大省齋彙鈔

必大字子充一字洪道廬陵人第進士中博學宏詞
科以教錄召試館職授秘書正字至監察御史孝宗
初權給事中請祠提點福建刑獄除秘書少監直學
士院侍講中書舍人出知建寧遷翰林學士除尚書

叅知政事拜樞密使右丞相封濟國公光宗拜少保
益國公出判潭州寧宗初以少傅致仕卒贈太師謚
文忠年七十九韓侂胄禁偽學指為罪首有集二百
卷詩格澹雅由白傅而溯源浣花者也

道中憶胡季懷

珍重臨分白玉卮
醉中那暇說相思
天寒道遠酒醒處
始是憶君腸斷時

行舟憶永和兄弟

一挂吳帆不計程幾回繫纜幾回行天寒有日雲猶凍
江濶無風浪自生數點家山常在眼一聲寒雁正關情
長年忽得南來鯉恐有音書作急烹

次韻沈世得作式撫幹川泳軒

江山倏晴麗雲月助色澤向來面面景天日誰洗滌主
人倚晴檻回首笑謂客府公實知己餘事懶經畫幃幪
蔭大廈軒窓開澤國架簷逼象緯植礎壓鹵弁仰看天
宇大俯覺地軸窄端如倩巨靈妙手重開闢此興固非

淺無入不自適華闕望中敞棠陰坐上得波光動藻井
帆影落几席所欣魚依蒲未許蠍見壁陰晴及朝暮氣
象如幾易颺迴有餘韻烏度無留迹市聲沉浩浩漁唱
聞昔昔油幕修中流條然晉八伯淋漓傳翰墨縱擊間
金石連壁嘉同志倚玉許涼德頻慙陂量容未為俗駕
勒惡詩信非備勿作春秋責

和仲寧中秋赴飲莊宅

方語頑陰蔽月堂坐看涼吹動枯楊疾驅雲陣千重翳

盡放水輪萬丈光莫問蚌珠圓合浦且聽羯鼓打西涼
踈狂自我何須撓撓取吹笙玉雪郎

來詩有妙曲
撓周郎之句

送趙富支彥博倅洪州

期集分攜五載前衝泥各上浙江船如今再贈城南柳

依舊梅黃夜雨天

辛未四月晦園司結局
今復以是日送君行

次韻醞飲

層軒發天藏初日照粉艘

韓退之高
門塗粉艘

雄觀跨鵬背煩促

陋蠶箔飛翰會蘭亭傳觴寫桑落飲興江海窄逸氣雲

天薄雖無漢侯鯖粗勝周禮醪清歡謝絲竹賀厦驚燕
爵圍碁賭勝負獻俳紛戲謔涼風徧廣坐長夏失重燬

柳文赫
炎重燬

高會方繼日初筵今告酢要今四難并詎止一

餉樂明朝傳絕唱百年無此作薦聞須狗監賡獨恨鼠
璞今王馳蒲輪之子尚蓮幕行參瑚璉用歸助梁棟託
謂沈相讀書照青藜視草詠紅藥回顧廣文寒莫忘雞黍
約

次韻趙公直賞心亭醪飲古風

晉人誇新亭假日輒高會中間伯仁輩未免楚囚對江
山猶古昔風物已曖昧東郊今保釐翠華記行在佳麗
歷淮楚追遊勝冠蓋茲樓貫城雉于邁無小大今威雖
不歸丁謂勅
茲亭靈光故無碍黑雲互明滅川郭相映帶當

年烏衣遊此日思一概從容值休沐登臨多慷慨幽懷

忽軒豁細故絕芥蒂已尋詩社盟更許食期戒佳實滿

坐上好風來天外舟移白鷺洲名遠目送飛鳥快方種淵明

秫粗免監河貸一醉儻可期與君時倒載

送鄧曹根移帥揚州

聞道維揚地望雄
風流人物似江東
六龍前日臨淮海
五馬由來說醉翁
碧月幾橋留夜色
珠簾十里待春風
遙知九日平山會
笑挿茱萸滿鬢紅

送蔡德輝程教授

晚折臺城楊柳枝
夕登瓜步狒狸祠
請君收拾江山助
歸和薰風殿閣詩

留別蘇仁仲通判

公才豈合尚題輿天遣寒儒此曳裾
午夜燈花曾共賞
三春樂事未全疎
尊前窈窕傳新唱
耳畔瀾翻聽異書
此別不須勤戀惜
君王日日問嚴徐

送光祿寺丞李德遠請春祠

君家臨川我廬陵
兩郡相望宜相親
長安城中初結綬
石灰橋畔還卜鄰
扣門問道日不足
篝燈照夜論心曲
寸莛那許撞洪鐘
跋鼈近將隨驥跡
聞君上書苦求歸
君今豈是當歸時
滿朝留君君不顧
我雖歎息何能為

莫攀楊柳濤江岸莫唱陽關動淒斷行行但祝加餐飯
潮落風生牢繫纜

恩許奉祠子中兄重寄

迂儒豈足助維新日奉威顏謝主臣可罷本非緣一事
致疑初不怨三人弟兄有祿供溫飽畎畝何階答聖神
此去讀書真事業向來正字誤根銀

次韻子中兄相迎詩中有莫松楸之語追念別後
叔母子柔下世故卒章及之

浙水秦淮度十霜官清誰薄簡編香向來怪虛鳥鳥樂
歸去喜同燈燭光身近廣寒猶內熱手遮赤日却心涼
只愁初踏江邊路封土纍然似斧堂

重九竹園見梨花懷子中兄

皆花著雨即塵埃何似深秋耐久開菊尚無多饒瑞質
霜如有意護香腮也知林下風光早不為山中歷日催
望斷行人息折寄却疑呼作嶺頭梅

十月十七日大椿堂小集胡從周季懷以予目疾

皆許送白酒彌旬不至戲成長韻

畏疾甚畏威目昏口止酒爾來時一中免使論薄厚儀
康久廢祠釀具散莫糾採藥山已焚種秫時轉後門稀
問字客室乏借書缶尚賴金石交每顧貧病叟前時相
娛樂如對疏廣受有漿不待乞似驗歲在酉今日掃風
軒明日芎園藪白衣兩不來往往化烏有頗聞繼高會
霑醉牛馬走寧忘伐木詩酤醕各朋友或疑夾西江恥
復餉升斗胡不玩易象樽簋納吾牖二義倘未然諾責

何為負君兮優阮籍僕也減充守結交十五年果可不
飲否食言能無肥有孚乃免咎速宜倒糟床走送昔與
醜勿學比舍郎夜半招吏部

送七兄監廟赴南宮兼呈大兄知縣

河梁曾誦送行篇蝸角牛毛十五年畢竟中間多夢爾
祇今相對各蒼然蕭蕭暫隔連牀雨蕩蕩初行萬斛船
誰近上林看躍馬東陽詩句定先傳

題神岡廟

其神蓋六朝時
劉竺使君也

岸斷川平拔一峰丹青剝落古靈宮邦人歲久忘遺愛
賈客時來乞好風二水有情猶磬折霜楓無數尚旗紅
岡頭故趾宜亭榭城郭江山在眼中

甲申中秋子中兄賦詩有八月分圓二十年之句
蓋歎中間多難且離別未嘗為此會也次韻

世事渾如蚋過前刀頭喜對鏡飛天陰晴萬里同茲夕
離別前時照幾年此去莫令疎會合從來無意必騰騫
幾思種秫迎佳節窮鬼還來笑買田

近屢為此計
垂成輒破

夜坐困甚

馬通薪熟夜爐深
拄膝承顏夢欲成
不記坐來湯沸鼎
却疑篷底聽灘聲

次韻王少府送蕉坑茶

昏然午枕困漳濱
醒以清風賴子真
初似叅禪逢硬語
久如味諫得端人
王程不趁清明宴
野老先分浩蕩春
敢向柘羅評綠玉
待君同碾試飛塵

二月十七夜與諸弟小酌嘗榼實誤食烏喙烏喙

堇也古書云以堇寘泝殺人戲成韻

伏神老芋不傷生江蟹彭其禍亦輕我獨好奇嘗泝堇
誤思榘實殺三彭

永新賀升卿攜中原六圖相過論古名將出師道
路形勢可指諸掌賦詩一首

歷歷山河一卷書博聞疑是古潛夫金城未入職方考
玉坐正披輿地圖取號不應須假道勝齊終困用真儒
從來美玉勞三獻豈比巾箱襲砒砒

君嘗再
上書

次韻芮曹國憶去年上元二首

使節番禺重中朝社稷臣喜沉刁斗夜遠布玉墀春古

寺看紅葉

報恩寺菩提
葉燈最佳

蕃街試幻人餘歡曾畫否應記

繞梁塵

門外人隨月窓前竹動風老便佳節靜病幸綠樽空春
至鴻聲北人遙蝶夢東隔年詩有債生理固知窮

病中次務觀通判韻

老眼亂蟬翼樂事歎何有今年不銜杯更暇問濡首愛

山空在山擿埴詎容走塵埃登高帽生澁彈碁手三年
一蒲團近者坐欲朽朝來獨何事乾鵲窺甕牖開門得
新詩刮膜如釋負卷舒幾百回呼舞駭鄰友吾曹交以
淡悠久或采韭此味只自知它人薄玄酒

曾英發運幹頃攜二詩相過今復寄贈大篇且惠
漢唐金石刻輒次前韻道謝

君家奕葉播芳馨室有圖書暴兩榮詩什編成風雅頌
寶章臨徧草真行興來文陣千軍掃醉後談鋒一坐傾

已許春風來過我從今日日聽嚴程

屢空不擬論錢神多病惟思對藥臣驟獲斷碑勝與竊
徐觀妙語可書紳起予字字興三歎集古駸駸訪九垓
欲寄嘉州選何物折楊聊復和韶鈞

青衣道人羅尚簡論予命宜退不宜進甚契鄙心
連日求詩為賦一首

亦知磨蝎直身宮懶訪星官與歷翁豈有虛名望蘇子
謾令簸惡似韓公時清早退人誰肯命薄當閒我自通

破戒問君君會否九人於此不相蒙

立春日飲羊羔酒

姚魏紛紛殆百家天香一出自無譁傷多莫厭扶頭酒
貴少翻嫌滿眼花康樂舊聞宜水竹翰林新調帶煙霞
從渠草木呈新巧終愧吾公正且葩

頃創碁色之論邦衡深然之明日府中花會戲成

二絕

局勢方迷碁有色歌聲不發酒無歡明朝一彩定兩賽

國手秋唇雙牡丹

醉紅政不妨文飲呼白從來要助歡暮色應同三昧色
牡丹何似九秋丹

池陽四詠之二

夜泊清溪弄水亭棹謳徐起月華明水晶宮畔西湖上
除却兩邦無此情

右弄水亭

天遣江山助牧之詩材猶及杜筠兒向來稍喜唐風集

今信樊川是父師

右杜荀
韞村

再登翠微亭和同年湯平甫

相君早日翼天飛
晚落江湖罪以疑
好事一時開翠壁
佳名千古紀黃扉
朝遊要及鴉翻樹
夕返何妨螢濕衣
更得湯休奇絕句
後來誰憶謝元暉

贈黃格非

詩社飄零二十年
春官老子復登仙
豫章幸有橫枝在
好覓鸞膠續斷絃

次韻胡邦衡相迎

路逢驛使嶺頭回喜得新詩勝得梅情似春風縹楚柳
句如臆雪肩韓瑰至今皇側求賢席底事公銜樂聖杯
台路六符行復煥丹心一寸未應灰

向以書戲邦衡云某自廬山游西山當就近公召
節今邦衡有詩督此語不驗次韻

慧遠遙同社洪崖近拍肩松枝年紀萬栴實歲踰千

天池

在廬山絕頂有萬年松香徑欲通天漢忙因擢酒船

帥漕

附致厨醞四香城均一握易地即皆然

邦衡所居亦曰香城山

遊廬山弔大林

上盡諸峰地轉平
天低雲近日多陰
古來南北通雙徑
此去東西啓二林
虞世南碑從泯沒
白居易序合推尋
匡廬第一推仙境
遂使如今忍陸沉

天地觀文殊燈

代馬腥羶暗五臺
南方世界且徘徊
一燈別是真知識
不用犇波學善財

贈西賢藏主可昇

眉州人與
予同庚

我比同年百不能只餘霜鬢愧師兄
慙勤覓句無言語
共撥寒灰聽水聲

遊廬山舟中賦四韻

南北周廬阜東西徧九華宴安無醜
毒痼疾有煙霞淡
落村村酒甘香院院茶馳驅君莫厭
此出勝居家

陳宰有詩來迎次韻

沿浙江湖樂有餘滔滔何必歎東徂
賞心到處窮佳境
好事逢人得異書風浪送颿時一快
魚龍潛穴不須驅

歸來正使無泥洗合壓香醪作歲除

是行徧歷九華三茅匡廬西山又獲

書籍碑

刻頗富

登龜山次七兄韻

注波緣壁化城中客愠奴嗔我亦慵及至龜山還一上
為憐高閣對雙峰

贈崇壽寺僧善修

老僧九十視耽耽二十年來不下山我得九華充法供
亦能禁足老山間

望皖公山

太婆嶺獨高秋浦皖公山正望龍舒端如牛女隔天漢
不似彭郎近小姑

遊廬山佛手巖雪霽望南山

十日頑陰不見山山中一夜雪封庵伊予的有尋山分
日照北窓雲在山

胡邦衡相過賞金鳳許詩未送復作木犀會二花
殆是的對

身閒端合醉秋光
兩地名花况竝芳
金作鳳形如許巧
木成犀裏若為香
髻頭自笑辜釵色
沙面誰知識帶黃
莫問詩壇掩旗鼓
天生的對欠平章

邦衡置酒出小鬟
予以官柳名之聞
邦衡近買婢
名埜梅以為對

濁水難攀清路塵
偶曾先後掌絲綸
歸來久侍茵憑舊
至後初逢梅柳新
湖水歌斜應有意

蘇詩日出冰漸湖水散野梅官柳漸

斜歌春光漏洩不無因
絳帷幸為天荒破
日日當為問道

人

戊子歲除以糲代酒送邦衡邦衡有詩見戲仍送

牛尾狸次韻

先生豈比習池徒薄醞仍慚校尉厨獻糲聊將追粬粍
舖糟只欲伴屠蘇削肌知自何人手灌頂疑嘗釋氏醐
必許尋花兼問柳敢辭挈榼更提壺

來詩有
尋花句

邦衡再送二詩一和為甚酥二和牛尾狸

金谷烹煎豈我徒磨春爭語夜闌厨六年不賜湯官餌

除日猶分刺史酥

是日餞守送酥用東坡謝泗守故事

小惠無多真畫餅

大篇有味勝清醐遙知發竅烘堂處不見蒸鵝只瓠壺

追跡猶應怨獵徒截肪何敢恨庖厨膾鱸湖上曾誇玉

煑豆瓶中未是酥伴食偏宜十字餅先驅正賴一庖醐

却因玉面新名字腸斷元正白獸壺

牛尾狸一名玉面狸

後兩日大雪邦衡復用前韻作窮語戲和

天憐寓客混緇徒十日無煙香積厨莫雪故教投碎米
饑涎那更忍流酥旃毛啮盡寒生粟風絮吟時韻怕醐

誰似維摩坐芳縵散花別是一方壺

己丑二月七日雨中讀漢元帝紀效樂天體

昭君顏如花萬里度鷄漉古今罪畫手妍醜亂羣目誰
知漢天子祛服自列屋有如公主親尚許穹廬辱况乃
嬪媵微未得當獯鬻奈何弄文士太息爭度曲生傳琵琶
聲死對青塚哭向令老後宮安得載簡牘一時抱微
恨千古留賸馥因嗟當時事賢佞手反覆守道蕭傅死
效忠京房戮史臣一張紙此外誰復錄有琴何人操有

塚何人宿重色不重德聊以砭世俗

古今賦昭君曲雖大賢所不免僕然

其說無乃過乎

胡邦衡生日以詩送北苑八銜日注二瓶

賀客稱觴滿冠霞

樓名

懸知酒渴正思茶尚書八餅分闈

焙主簿雙瓶揀越芽

見梅聖俞謝宣城主簿詩

妙手合調金鼎鉉清

風穩到玉皇家明年勅使宣臺餽莫忘幽人賦葉嘉

邦衡再和次韻

金章紀出氣凌霞不愧君王坐賜茶

講讀罷例賜茶一甌

商嶺烹

來思舊樣

五元之詩云樣標龍鳳號題新賜得還因作
近臣烹處豈期商嶺水碾時空想建溪春香

于九畹芳蘭氣圓似三秋皓月輪愛
惜不嘗惟恐盡除將供養白頭親

洛泉煎處歎新芽

唐劉言史與孟郊洛北野
泉煎茶詩云粉洗越笋芽

詩評未怕人生瘦監濟惟防

賊破家賸欲蒼生蘇息否剛嚴須是相王嘉

邦衡用舊韻慶予生朝賡續為謝

蓬山落拓復經春宦海茫洋懶問津志節漸銷平日壯
鬢毛空比去年新午橋早竝緋衣相一月還同赤壁人

邦衡壬午六月生予丙午七月生同
居廬陵故特比裴度周瑜二公事實天造駑駘追驥駮

無如才德異疵醇

賀范志能農圃堂

荒淫吳以顛戰勝越云吉是非兩安在阡陌眇蕭瑟公
來開別墅草莽手起櫛陰晴及寒暑每到皆勝日新詩
弔興廢收拾滿箱帙有客師元亮甫謝彭澤秫幸分北
窓風容此易安膝

入直召對選德殿賜茶而退

綠槐夾道集昏鴉勅賜傳宣坐賜茶歸到玉堂清不寐

月鈎初上紫薇花

過鄔子湖

萬頃湖光似鏡平
蜿蜒得得導舟行
從來仕路風波惡
却是江神不世情

奉祠還姪繹以詩相迎次韻

聖朝有道合羞貧
清畫那容裹路珍
金馬玉堂辭漢殿
桃花流水訪秦人
敢吟莫莫休休句
且佚膠膠擾擾身
高會竹林欣有日
東芻玉友釣溪鱗

前歲冬至與胡邦衡小語端誠殿下道直下僖事
今年邦衡舉易緯六日七分之說輒用于美五
更三點為對後數日得劉文潛運使書記去年
館中團拜人今作八處感歎成詩

青城小語慶新陽共向紅雲拜玉皇六日七分驚歲月
五更三點憶班行屬車誰從黃麾杖釣艇還飛白羽觴
猶勝去年三館客十人八處更相望

十二月十九日餞劉文潛運使明日書來云醉夢

中作小詩但記後兩句為足成之

幽人門巷冷於冰使節光華宵再登
今夕青燈話三館
明年何處說廬陵

臘旦大雪運使何同叔送羊羔酒拙詩為謝

未雪冰厨已擊鮮雪中從事到君前
淺斟未辦銷金帳
快瀉聊憑藥玉船
醉夢免教園踏菜
富兒休詫饌羅羶
爛頭自合侯關內
何必移封向酒泉

簡提刑吳大卿宗旦勅四路獄二首

瑞節頻移意可知西川西廣又江西蘇黃到處君行部
物色分留待品題

堆勝橫看白鷺洲青源穩著釣臺幽魯公翰墨師川句
訪古何妨與一遊

丁酉二月二十日同部中諸公遊下竺御園坐枕
流亭觀放閘桃花數萬隨流而下繼至集芳

闕

也是時海棠滿山郁李滿欄殆不類于人

間世明日入部而桃花數枝伶俚窻外未時內

直則海棠郁李各一株方開遂賦此二絕句云
萬點紅隨雪浪翻恍疑身在武陵源歸來上界多官府
人與殘花兩不言

清勝堂前花萬重玉堂署裏兩芳叢應憐寓直清無侶
聊伴衰翁宿禁中

李懷設醴且示佳篇再賦一章以酬五詠

卯飲高樓徹暮霞絕勝茆屋已公茶
鷓鴣包句好逢真賞
荷葉甌深再嫩芽詩老坐中容我輩
朝賢乞處藉吾家

詩來屢引歐公茶詩故用筋包詩老事孟
郊憑周况于朝賢乞茶詩云越甌荷葉空
從來佳茗如
佳什屢酌親朋味轉嘉

尚長道見和次韻二首

詩成蜀錦燦雲霞宮樣宜嘗七寶茶壓倒柳州甘露飲

子厚茶詩猶同甘露飲

洗空梅老白膏芽

聖俞茶詩春芽研白膏

睡魔豈是

驚軍將茗戰都緣避作家怪底清風失炎暑朝來吉甫

誦柔嘉

連日雨涼

鍾山處士映高霞止酒惟親睡起茶遠向溪邊尋活水

閒于竹裏試陽芽一甌休問帝前席七椀且同僧在家
所愧叔孫無五善若為重拜晉君嘉

頃雲夢至善生院賦詩一聯已丑七月十三日因

遊續成一絕

門外千竿竹繞牆清風終日注回廊五年禾續夢中句
得得來追三伏涼

七月十五日邦衡用前韻送薰衣香二帖韻為謝

天香猶帶曳裾霞銀合行參到闕茶

故事召用兩府將到闕中使賜銀合

茶藥及香 賸馥欲沾吾臭味 普薰聊發善萌芽 心清此去誇

僧舍意可由來出 內家乞與博山添 正氣慚巖曾辱更

生嘉

劉向薰爐銘云加此正氣祈巖若山

萬安韋邦彥字俊臣攜王民瞻楊廷秀謝昌國絕句相過次韻勉之

盧谿筆力透天心 楊令文追正始音 更讀池塘惠連句 識君何待接清襟

後學爭歆雨後巾 前賢久澤霧中文 韋郎勉力追三傑

它日人還做五雲

送梁山長老智顯

秦人溪畔漢人山
萬木參天六月寒
寫向湯休詩集裏
老夫要作畫圖看

昨以清醇之酒為邦衡侍郎壽
乃蒙惠詩且約深
秋清集至時侍郎當捨芙蓉而面三槐
某已歸
東籬悠然見南山
矣次韻為謝

觚稜回首六經春
重挈荷囊止要津
桑下未忘三宿戀

柳邊仍喜一番新
即開東閣招奇士
快與西湖作主人
濁酒誇張真過矣
如公詩句乃清醇

從駕過德壽宮
馬上得程泰之次
庚寅玉堂舊韻
有銀章金帶之戲
走筆為謝

推敲也復從鳴鑿
鳳沼詩盟故未寒
兩制空煩舍人樣

僕近日誥命及
答詔皆年兄筆
外郎爭比大夫官
僕官朝請郎年
兄新轉大夫
翰林

今夜仍連直講殿
明朝豈兩般
畢竟五金如五味
莫因

黃白議臧酸

程泰之昨有金帶銀章之句十二月二十八日乃

因押伴北使赤岸御筵服重金侍宴紫宸殿坐

間嘗作數語為戲後兩日復得其詩亦再次韻

甚日重黃侍御鑿幾時八坐佩金寒

古詩云眼赤何時雨橫腰甚日重杜

工部云連枝不日竝八坐幾時除

殿庭屬目誇新貴

閣門官爭相問

部曲低頭

拜舊官

泰之嘗貳春官今復階太宗伯

五日尹京非細事四時仕宦固

多般

泰之今春服綠夏間階緋今階金紫真傳游藝也

重行隔品詩仍捷應笑

官卑語帶酸

次韻徐元敏權貨同年

當年駕鶴忝驂鑿對躡丹梯上廣寒綠髻旋同依帥府
華顛今竝列王官文才似我無多子契分於君有四般

唐人與同年詩
云契分四般同

念舊不妨頻枉駕甕頭隨意酌甘酸

邦衡侍郎留金陵再用津字韻賦詩謝送賜茗復

以丙申小春四鈔寄贈

淳熙又貢第三春驛騎星馳渡劔津七祖師泉難話舊

謂青原八功德水且嘗新雪亭烹處休裝景火閣煎時却

可人只恐春從官柳

邦衡侍婢名

動樂天還欲醉精浮

唐朱敬則

傳淳精流糟粕棄

聞西省賞餘醪
巧藥戲成小詩奉簡泰之侍講舍

人年兄併以丁香撒攬百枚助筵却求殘花數枝

羣玉園中作主人
紫薇花底會嘉賓
風光總屬程夫子
好念文昌寂寞春

滿架冰肌含碧雲
翻階翠袖映紅裙
玉堂只有金沙在

伴直明朝又屬君

翰苑僅有此花泰之明晚直宿

酒頰桐馬莫分甘金賜麟蹄插敢尖紅白賞殘堪底用

雨中折贈未傷廉

日歷所進書
賜金及酒多

從來引玉即拋磚自笑囊空百不堪賴得酒酣須茗飲
聊將青子助回甘

次韻閣刑部才元楊梅

炎官傘照濤江紅五月獻果明光宮越人一枝古所重
蜀無他楊譜則同

蜀中絕
無楊梅

玄珠更將赤水浴流火呈祥

復王屋下伴長安黑彈丸殺吏驚人寒起粟新詩字字

含芳鮮大書遺我敦同年請君速訪天竺老食白追繼

仇池仙

東坡寄天竺辨才詩云且食白楊梅蓋山中實有此果而蜀人注此詩者偶未知耳聞亦蜀人

六曹長貳觀潮予以入直不與晡時大雷雨走筆

戲蔡子平

雷轟萬鼓勒潮回無復庭前雪作堆應為尚書慳且澀
盲風怪雨一時來

次韻天官韓尚書七月十八日風雨中觀潮予內

直不赴

禁直惟聞漏鼓催潮聲遙聽訝蚊雷忽傳傑句天邊得
如對洪濤海上來大筆直能扶風雨小才何敢助涓涘
古今奇觀須秋半好句重銜伯雅杯

邦衡再送皇字韻詩來次韻

賓鴻列陣競隨陽却向丹山隱鳳皇銀管題詩紛滿帙
金釵度曲儼分行漢官蚤促三更席梁苑行稱萬壽觴
上頌謂侍從之臣曰朕大舉同游大梁又聞
虞相陸游奏云今年當會家都上壽稱觴顧我飄零
無著處非公前被尚誰望

又次邦衡族姪長彥司戶韻

聖世恩榮盛孝章
北窓自欲傲羲皇
通家喜燕雞豚社
治郡愁親鴈鷺行
陌上花開人鬪草
甕頭酒熟客傳觴
及時行樂君休厭
召驛相將項背望

近會同年賞芍藥
嘗櫻桃楊謹仲教授有詩次韻
為謝兼簡周孟覺知縣

清晨自掃落花廳
小甕親筍竹葉清
簪盞同時過陋巷
臚傳相與記彤庭
階翻紅藥曾重見
僕十年間兩
來使

朱櫻亦屢經老去飄零無此夢詩來吟咏有餘馨

同年楊謹仲示鄴林諸帖皆以老杜相期惟童敏
德謂不合學東坡殆非知詩者輒用此意成惡
語一篇為誕辰壽祝頌之意見於章末

過江人物向汪曾一世龍門未易登常恐斯文無砥柱
獨推佳句有師承波瀾正使來西蜀廉陸何妨逼少陵
天遣百年如衛武會賡懿頌賀中興

過餘干吳師中秀才以小詩惠歛硯次韻謝之

舊曾起草向明光，獨與羅衣迓赭黃。
三載瓦池研憲墨，因君聊復夢羲皇。

送陸務觀赴七閩提舉常平茶事

暮年桑苧毀茶經，應為征行不到閩。
今有雲孫持使節，好因貢焙祀茶人。

鷺棲枳棘已多年，父老猶傳主簿賢。
扶杖喜迎新使者，赤帷何惜與高褰。

疲鴛久倦直明光，風味嘗思十八娘。
擬請一麾依故舊，

得無公道學蘇章

進讀三朝實訓終篇賜宴錫賚謝恩詩

藝祖提劍開八荒太宗混一垂衣裳真皇破敵裨武揚
夷夏輯寧法度彰實訓成書記宏綱有典有則萬葉昌
憶昔壬午神龍翔季秋庚子辰集房肇開講席臨清廟
赭袍玉斧光照廊台司夾侍書案黃翰林進讀天容莊
微臣簪筆近御牀親聞玉音義甚長君子小人初何嘗
非闕時運弱與強祗繫人主所否臧當年紀注此特詳

紹興壬午九月庚子初開經筵亦召宰執聽講洪遵
初讀三朝寶訓第一卷至太宗問呂蒙正君子少而小
人多蒙正曰此際時運盛衰陛下宣諭云不然顧人主
好惡如何耳由時為侍立官退以聖語載起居注中

往來寒暑今一章牙篋謬執心傍徨終篇正直恩德洋
道山肆筵酌天漿宮花壓帽羅絲黃硯來復古翰墨光

臣所得端硯刻
復古殿三字

馬出帝閑真駟驪閩山正焙隨寶香右

賜如天不可量歸美獨愧詞荒唐恭惟聖治超百王夙
夜基命不敢康文德既修武備張俎豆永掃旄頭芒三
聖勲烈同燁煌萬年億載娛慈皇

文忠烈公居洛有丙午同甲會詩今執政府凡三位樞密使王季海叅政錢師魏先在焉前歲夏某叅叅預連牆而居適然齊年時號丙午坊次

文公韻簡二公

文公八十會伊川盛事于今有百年豈意蒼顏華髮叟亦陪黃閣紫樞仙府居未至容連棟班路前瞻愧比肩
丁丙連干支合德君臣慶會豈虛傳

和龍舒兄春日出郊韻

庭束蒲鞭吏畫閒禽聲入語兩闐闐郊垌戎隊穿花裏
阡陌兒童戲雉間禪語屢題投子寺仁風常滿皖公山
薦書開道交宸几尺一封泥合錫還

陶淵明有已酉重九詩一首某以此年此日舟次
吉水距永和才一程耳輒用其韻先寄二兄十
三弟并呈提舉七兄

王覲十五載歸來稀舊交我鬢昔已華今茲固宜凋去
國甫重午還家倏登高永和有兄弟咫尺如煙霄緬懷

江東使地遠心更勞遙知上翠微江山勝金焦豈無菜
羹酒望望思鬱陶相從會有日永矣非一朝

南國築小堂鄰里侯暘獻上梁文戲成小詩記實

解嘲

半畝園林數尺堂凡花疎竹小池塘平泉綠野休相笑
事業功名合自量

用邦衡韻贊其閒居之樂且致思歸之意

一別龍門不計春思公夢渡太華津遙知綠野朱顏好

應笑紅塵白髮新
午茗親烹留上客
夜碁酣戰調佳人
道腴有味詩彌勝
何止冰凝與蜜淳

敷文閣學士李仁甫挽詞

經學淵源史筆高
文章餘力薄風騷
紛紛小技誇流俗
磨滅身名笑爾曹

鳴珮甘泉不乏人
誰能博古復通今
直如汲黯非游俠
忠似更生不鑄金

千卷長編已刻闡
爭傳副墨價兼金
冠篇不得同迂叟

遺恨猶應記玉音

是是非非口即心
掃除人偽只天真
身全五福仍通貴
造物因公勸善人

病後精神更湛然
挂冠剛欲及生前
去來自在渾無碍
撫掌僧徒浪學禪

宋詩鈔卷五十八

欽定四庫全書薈要卷二萬三百十二

集部

宋詩鈔卷五十九

內閣中書舍人吳之振編

周必大平園續藁鈔

上已訪楊廷秀賞牡丹於御書扁榜之齋其東園
僅一畝為街者九名曰三三徑意象絕新

楊監全勝賀監家賜湖豈比賜書華回環自斲三三徑
頃刻常開七七花門外有田聊伏臘望中無處不煙霞

即慚下客非摩詰無畫無詩只謾誇

今年閏十月僕營小圃方兩月而張坦夫履示腴
莊圖有起予之意遂率筆成鄙句

百年種德十年栽映帶雲巖與月臺無問四時留客醉
何曾一日不花開人人爭羨富登覽物物豈知工剪裁
我比樊須身更老只今學圃亦悠哉

楊廷秀送牛尾狸侑以長句次韻

江南十月方肅霜小槽初滴鷺兒黃頗思指動異味嘗

門正張羅誰未將披綿強來推不去枯鱖欲進上之戶
羊羶豕腥猶可厭肪截脂疑在何處草玄子雲黃門郎
遺我黑面質白章形之硬語努力強寫以奇字伴史倉
愧無纖手色傾國歷槽磨刀走臧獲喜于左手持蟹黃
美勝八珍熟熊白古來狸首歌侯門名以牛後真屈君
從金玉汝洗俗諺好與紉袖陪梁園公詩如貂不頻削
我續狗尾句空著

寄題高仲一夔殿撰識山堂長韻

買山老山間乃識山之容愛山無古今此論誰非同仇
仙來唐廬一轉語獨工不識山面目只緣在山中譬之
塵漠漠又如水溶溶人魚居其間孰識碍與通我昔少
年日自攜七尺筇盤旋山南北憇息林西東朝看山之
橫暮看山之縱貪多眼為乏陟險足已慵拱揖且不暇
賞失良自蒙方悟白司馬草堂對穹窿彼既若獻狀此
亦如發矇秀甲天下山至言出心胸今君欲繼之築堂
會奇峰何嘗遠城市而能目迎逢山形不動體山色會

真空風雲有蓄洩氣象無終窮
雨餘四面翠日麗千仞
紅氤氳香爐煙挺拔雙劍鋒
最愛五老人峻嶒美所鍾
可望不可即有意容相從
羅列皆兒孫几席次第供
山雖誇兩邦茲焉實長雄
不為空堂客詎信山有宗
寄語遊山者毋徒走憧憧

送道士張惟深

曾從楊廷秀學詩

出世須拋世俗文
休論何遜與陰鏗
但求仙伯三年艾
會向彌明頂上行

彭孝求惟孝以綠野行送芍藥數種鄙句為謝

占斷春光及夏初琉璃剪葉朶珊瑚休論花品同而異

牡丹初號木芍藥蓋本同而未異出王元之文集 為詠詩人樂且訝北第莫辭

金鑿落 韓魏公北第賞芍藥詩滿引莫辭金鑿落 南禪爭看玉盤盃彭宣微

恙何妨醉自有嬌痴婢子扶

魚兒牡丹得之湘中花紅而藍白狀類雙魚纍纍

相比枝不能勝壓而下垂若俛首然鼻目良可辨

葉與牡丹無異亦以二月開因是得名其幹則芍

藥也予名花而賦是詩聞江東山谷間此品甚多

天教姚魏主芳菲合有宮嬪次列妃玉頸圓瑳宜粉面

霞裙深染學翬衣枝頭窈窕魚雙貫風裏蹁躑鳳對飛

又似金
鳳花

莫把根苗方芍藥留春不似送將歸

太守趙山甫希仁示和篇次韻為謝

阿嬌金屋聚芳菲當御連環聚妾妃龍女墜天頰素頰
鮫人出水織纈衣袖垂戶外瞻雙引鶯語宮中第一飛

不用蟲魚箋爾雅使君行合左符歸

謂魚符也聊
答公歸之句

李子權時中屢求所居江月亭浴沂齋詩老病未能作坐上示及扣花妃詩甚工即席次韻一首所謂一彩兩賽也

姚皇

借黃字

去後幾菲菲湘水依然從二妃雙淚一時紅作袖連枝千載綠為衣檻前斑竹應同伴波面文鳶欲共飛吟徧世間閒草木何如江月詠沂歸

楊廷秀秘監萬花川谷中落花甚多光榮俚語敘

謝

萬花川谷第芳菲也許湘靈媵伏妃翠葉迎風牽行帶
紅綃浴日濕宮衣共船不妨龍陽釣警乘猶疑洛渚飛
洛神賦云騰文魚以警衆
李善注文魚有翅能飛誰把荒園一魚目換將五十
六珠歸

乙卯楊廷秀訪平園卽事

乘興不回安道舟銷憂同倚仲宣樓莫嫌四面酸風射
猶勝三場審汗流

次韻楊廷秀

并序

萬花川谷主人為海棠賦二首妙絕古今斷章有
平生不帶看花福不是愁中即病中之歎代花次

韻

江國羣芳自有餘詩才酒興不愁無却憐西蜀移根遠
醉向東風落筆初

傅粉施朱淡復濃不辭沐雨更梳風豈知命似佳人薄
不在吾公樂事中

右三月二十八日春華樓前芍藥盛開持招歐葛

二兄再為齊年之集次舊韻

老去猶思飲吸川靜中還喜日為年
艾耆天俾如三壽談辨人驚似八仙
洞鑠嵩峰偏入眼丹成岫嵯遠齊肩
定知樂事年年共更看新詩句句傳

次楊子直使君韻

雪璽冰絲結素華天孫初織費縑車
花開金谷空千種蕊疊瑤英自一家
下比山樊誰薄相上攀瓊木各雄夸
集仙翰苑須公等歸繼唐賢植此花

次王伯奮淹通判韻

王乃文正公家吏
部尚書震之曾孫

三槐交蔭盛京華
八坐摛文富五車
玉樹合教依故國
霜蕤何事到山家
幸經泥軾新題品
全勝雲輶昔誕夸
絕唱強酬書字大
固應傳笑眼昏花

趙正則彥法司戶沿檄而歸玉璫已過追賦車字
韻詩奉答

春深游客競繁華
寶馬香輪帶麴車
不為來看招隱樹
有誰肯顧野人家
飛飛粉蝶須相映
皎皎銀蟾色共夸

今得審言詩勝畫傳神何必趙昌華

唐詩人杜審言為
吉州司戶正則嘗

刻其詩
于解舍

丁巳二月甲子蜀錦堂海棠盛開適有惠以繡畫

錦堂記者招伯威德源為齊年會次舊韻

曾因客夢到西川萬戶疏封抵隔年花重錦官息杜老
鶴飛沙苑看徐仙衰顏尚許任諍齒淺量深慚賜及肩
照眼蜀粧依繡幌共驚十載識先傳

曾無疑三異以長韻送金橘時已暮春次韻

茶縻殿春枝滿霜盧橘熟夏今乃黃彈丸煌煌照坐光
老叟驚詫見未嘗客言采果孟冬月剖竹為符帶蒼雪
包之赫䟽滿貯中纏以絲臬外合節或藏綠豆飲醉翁
或雜寸橐仍緘封三說未識將誰從但覺色香新摘同
分甘安能與衆樂秘方何惜都傳却已誇指下石化金
仙指併求君勿噓

戊午仲春同甲小集次舊韻

會老三入似潁川生同絳縣免疑年

各年七
十三

尊常有酒

何妨醉事每無心即是仙儉欲固應知足足忘形誰問
是肩肩香山已寫丹青像

德源近繪
三壽圖

洛誦仍憑副墨傳

紹興庚午某與安成劉逢辰秋闈同薦逢辰四子

伯德禮淳熙甲午解魁登第今宰臨川仲德仁拔

癸卯解叔德恭負雋聲季德性紹興乙卯復冠鄉
舉出示當時小錄手澤在焉為題二小詩於後

丁年韋布逐槐忙結綬王畿四紀強已把衣冠挂神虎
夢回猶未熟黃粱

鹿鳴舊籍晚重看翰墨場中興久闌同榜諸郎皆舉首
老夫安得不衰殘

新光州守趙師爽字國佐才高一世任京口以讒
廢宰太和以憂歸得羣待對沒於逆旅家會稽
又遭火焚暫厝之今既葬矣其子寄行狀求追
挽嗟悼不足情見乎辭

籍甚天夫萬事通傷哉人爵一生窮飛英北闕讒何極
游刃西昌秩未終十騎絕憐成畫餅八人那忍助融風

只應快閣長流水遺恨滔滔向浙東

劉仙才仲子俊示其父醉庵詩集索鄙句

蹇步嬾姍到竹溪病眸眩瞶刮金篦清風滿座無塵事
遺墨盈編有舊題久羨山人居水北今知詩社續江西
醉吟跌宕誰能寫髣髴琳瑯識介珪

慶元戊午重九天氣晴和待玉七兄提舉監丞早

集清都臺午飯讀詩書臺晚集神岡西臺皆古

迹也戲成小詩

年豐和氣借春來，兩足黃花起節開。要識重陽真富貴，

弟兄一日歷三臺。

陸士龍與兄書云：一日上三臺，曹公藏石墨十萬斤，又蔡邕以侍御史轉

治書侍御史遷尚書

三日之間同歷三臺

己未立春留楊伯子長孺知縣小酌夜聞窻竹有

聲伯子以為雪或曰風也已而果雪詰旦敲門

送詩走筆戲和

莫訝衰翁笑口開，故人風度繼歐梅。墮筴雪陳魚麗遠，
踏跡詩仙鳳沼來。酒似茅柴居鬲上，句如桂子落天台。

新年春自相追逐誰謂天公厭兩回

謂坐中舉東坡詩句

己未二月十七日會同甲次舊韻

里人初不問山川身健徒教換歲年
紅紫丁寧容老圃丹青點化屬詩仙
情均鴈序兼鷺友壽貫犀顛映鶴肩

東坡光道人贊海口山類犀顛鶴肩

莫算酒行徵罰今一株花下一杯傳

賀升卿年垂八十以書寄平園新詠二十二篇又

錄十年前簡予四詩尚有訪戴之興謹次最後

一章韻為謝

文與年高豈樂天字隨心正亦公權吟詩作賦晴窓裏

問柳尋花野水邊

升卿居永新縣東別墅去縣百二十里

喜我新策三徑

就勞君舊句一時編雪舟有興休回棹共載期追李郭
仙

仲嘉致政敷學尚書注兄寵和鄙句且寄適軒記

詩銘等皆慕白樂天語也敬以來意盡用樂天

事次韻

鄞川人物擬山川公似香山更永年楊柳櫻桃俱是幻

蓬萊兜率孰非仙平生名脫虞卿歷歲晚書齊夢得有
近岸連檣多賈客定攜新句海中傳

徐商老夢莘叅議直閣進書登瀛創孺榮堂來索
鄙句許示奉藁寄題

三孔三劉歲月賒後來儒術數君家五枝舊折燕山桂
八月新乘海上槎方履圓冠無愧怍西崑東觀有光華
牙籤縱許窺青簡銀海何堪眩黑花

三月三日適值清明會客江樓共觀竝蒂魏紫偶

成二小詩約坐客同賦

上巳清明共一時
魏花開處亦連枝
前身應是唐宮女
猶記昭容雙袖垂

莫思樂事年年減
且喜春花日日開
兄弟相看俱八十

研朱豈願得祝嬰孩

趙通判每云朱書八十字于襁褓兒領上欲其壽如此

正月三日胡季亨及伯信仲威叔賢昆仲歐陽宅

之李達可同自永和來雨中小集壘岫閣用金

鼎玉舟勸酒下視林梅戲華舉說命五說戲祝

六君蒙次前韻賦佳篇各徵舊事各以一篇為謝
未復中原近有淮前朝誨輔只時來濟川用礪我無是
作醴和羹何有哉正喜春晴知歲暮初一初頓招兩蒞二皆晴
坐筵開和詩更作齊兒語老手屠龍合拊孩

右答胡季亨

舟浮江海達於淮不盡詞源滾滾來人自浴沂三益者
句成泛剡兩佳哉千鍾但使尊中滿札帙從教案上開
却憶兒童聚嬉戲爭騎竹馬弄泥孩

右答胡伯信

元和頌聖雅平淮
韓柳文章付後來
聯璧照人今燦者
斷金定契古誰哉
白醪勸我頻需醉
青眼逢君肯懶開
曾散東風吹而縵
凍梨欣喜色如孩

右答胡仲威

朱顏青綬憶秦淮
白鷺洲疑鰲駕來
側畔交遊欣忭者
中間廢和負康哉
新春漸覺風光好
陳迹時將日記開
惟有詩情不如昔
傍觀撫掌倒綳孩

李白金陵詩云二水中分白鷺洲城

上有亭紹興戊寅分啟時每登覽忘歸自此日有記事
已四十六年今廬陵江中亦有白鷺洲嘗創小樓會容
其上懷
借及之

右答胡賢叔

安流咫尺異踰淮有興何妨疊擢來茗椀茆柴殊易耳
萍虀豆粥豈難哉談鋒不怕通宵直燕席寧辭逐日開
況是上元佳節近華燈萬點看蓮孩

謂孫孩蓮

右答歐陽宅之

濁涇不必羨清淮社燕賓鴻任去來老子何曾憑日者

後生正合競時哉
圓規枉把方心鑿
塵世常令笑口開
八十老翁行未得
不如能說小兒孩

右答李達可

周愚卿江西美劉棠仲同賦江珧詩牽強奉答

周二

字圓
格

東海沙田種蛤蜊
南烹苦酒濯瓊瑤
饌因暫棄常珍變
指為將嘗異味搖
珠剖蚌胎那畏鷓
柱呈馬甲更名珧
累人口腹吾何敢
慚愧三陰喜且謠

四月江珧自小種而為大生致行都

唐間則腊之近方稍即用酒清乃能寄遠韓文公詩章
舉馬甲柱鬪以怪自呈柱即珣也廣韻亦注蜃屬甲可
飾物至玉珣似
蚌殼中柱美

元宵煮浮圓子前輩似未曾賦此坐間成四韻

今夕知何夕團圓事事同湯官尋舊味竈婢詫新功星
燦烏雲裏珠浮濁水中歲時編雜詠附此說家風

再賦

時節三吳重

京師貴浙燈東坡上
元詩云三吳重時節

勻圓萬里同漫浮雖

有法烹煮豈無功杜喜雲抄白徐妨酒復中策勛俱是

秣適口不同風

七月十四日江西美約周愚卿兄弟及許景陽相
過共觀鶴雛羽毛褐色因飲食雙酸新酒擘開
中新荔於白蓮池上遂成盛賞明日西美有詩

走筆奉和

起來汗浹似翻漿客帶清風變早涼
鶴子曳衣猶淺褐
鵝兒對酒已深黃
白蓮近揖三千女
丹荔遐招十八娘
但把槐忙付年少不妨老伴燕林塘

杜審言是公主山池詩云鹿麝銜妓

席鶴子
曳重衣

某紹興甲子赴試此地小居今十年三歷秋舉每
遇中秋必與親舊歌舞之今歲大病使令輩散
遣蕭然偶伯信仲威攜子姪相過喜成四韻

上元甲子此攻堅卜築安居正十年登堞遙觀燈奪盡
歸家却賞月流天升臺斲葺新爐竈絳帳都拋舊管絃
賴有故人將驥子功名不斷復青氈

江西美復送四景詩再次韻

酉歲應知富酒漿
頻年暫輒奏伊涼
沼蓮不使紅侵碧
池鵲聊容白護黃
照坐雖無駢火實
繁尊辛有絡絲娘
西風早晚驅殘暑
何日尋盟到野塘

三次韻答江西美

菲飲簞壺食與漿
淡交非復世炎涼
佳名誰合戎州綠
妙語端由太史黃
無怨不須移孔議
有情未可老徐娘
荷香襲坐忘歸興
不覺昏鷓影度塘

只因瑞露酌天漿解后移尊赴晚涼
眼看碧幢擎蓋綠心慚白鵠立槐黃
飲隨人量陳三雅興入詩情
談四娘雲墨月離今驗矣
共欣甘雨溢陂塘

東坡雅考板詩門外曰杞如立鵠莊

子鵠不日浴而白竝音雀漢書注黃鵠下太液池似誤矣黃雀樓即黃鵠鵠雀聲相近其色亦然

五次韻

客嘉五饋合先漿竹好仍生一味涼
天與冰肌勝傅粉星馳火齊捷飛黃
將雛華表知丁令喚度京江憶杜娘
自是新篇誰可擬一川煙草賀橫塘

四景詩似欠一篇五更枕上足成之錄呈伯信仲
威勿勞屬和僕亦偃旗閉壘矣

甘寒何必柘為漿也解逡巡造醴涼更喜鶴鳴添子和
休因荔進引蕉黃花如宋玉窺鄰女詩似劉郎問秦娘
只欠西湖雙畫舫便疑風景類錢塘

劉訥畫廬陵三壽圖求詩

同辭宦路返鄉閭兩驢驢中間以鴛前後顧瞻羞倚玉
支干引從偶連珠三人不用邀明月兀老何妨續畫圖

從漢二疏唐尹後相親相近此應無

次韻楊廷秀待制瑞香花

灞橋忍凍兩相攢
漢殿含香別一般
粉面固宜垂紫袖
錦裳何必著中禪
禁庭侍史今同宿
宮帽花枝故自欒
咀嚼新詩懷舊直
刺貪寧不媿河檀

楊子直以一詩送小兒歸省又一絕及平園花本

校文苑英華併次韻一笑

老去何心悅盛華
觀書無奈眼昏花
但思載酒楊雲宅

細問三州二部家

作象隨
卦云爾

栽花種竹滿平園
人道安閒似樂天
自笑鉛黃消永日
何如蠻素樂華年

嘉興癸亥元日占寄呈永和乘成二兄

歸田初不隔江淮
底事心元未往來
賭酒彈棋真夢爾

幼年與見以此
守歲不覺天明膠牙藍尾亦悠哉

修禊歸來却踏青
臨流謀野兩闌情
不如省事遊春女
挑菜渚邊看水生

王藉文學求讀書堂詩

倚相端能記典墳子羔未可治人民十年莫作攸之恨
萬卷方知甫也神堂下從黍糟粕議城南容我簡編親
鐵更三摘韋三絕將聖猶然況後人

次韻楊廷秀待制二首


并序

某思規層宇欲屈故人落之乃未許枉駕先貽二詩
曲盡登臨之勝遂成絕唱謹次原韻其前自叙其後
敬簡因致一來一往之意

十年不侍殿東頭
臨水登山隱者流
一服瞳方無異相
三層句曲有巍樓
幸殊王粲非吾土
何事龐公不入州
至後臘前天欲雪
扁舟乘興肯來不

官府新辭上界仙
碧瑤洞口晉桃源
默存常在清都境
歸去休無靖節園
為問龍樓并鳳閣
何如佚老及平原
明年大作南溪社
會訪拾遺花柳村

宋詩鈔卷五十九



總校官庶吉士臣張能照
校對官庶吉士臣陳崇本
謄錄啟生臣宣蔭光